



Ad tuumã yaa ne Anniy-rãmbã, la ninsaal fãa yaa a sën maan Anniy ningã n be ne-a

Yii a Umar [bn Al-hattaab nengẽ - Wënd yard be a yĩnga-: a yeelame: Wënd Tën-tuumã, - Wënd puusg la A tulgr be a yĩnga- yeeleme: «Ad tuumã tũuda ne Anniya-rãmbã, la ad ned fãa sën duk Anniy ningã n be ne-a, rënd ned ning sën maana Higra (yik Mak n keng Madiinã) ti yaa Wënd la A Tën-tuumã yĩnga, rënd yẽ soab Yikrã yita Wënd la A Tën-tuumã yĩnga, la ned ning Yikrã sën wa n yaa dũni yĩnga n rat n na n paam-a, maa yaa paga la a rat n furi, rënd yẽ yikrã yaa a sën yik n keng bũmb ning yĩngã». La gom-bila a yembr n be Albuhaary puga: « Ad tuumã yaa ne Anniy-rãmbã, la ninsaal fãa yaa a sën maan Anniy ningã n be ne-a».

[Naşun Şahuhun (Gom-sikdem sën manege)] [B zemsa taab a zugu (A Al-Buħariy la a Muslim n reeg-a)]

Nabiyaamã -Wënd puusg la A tulgr be a yĩnga- vënegdame n wilgdẽ, ti tuumã fãa yaa b sën get Anniy wã, la bu-kãngã yaa bũmb sën gũbg tuumã fãa gill pugẽ, sën yaa tũudum yela la tumd-n-taare, rënd ned ning sën wa n rıka a tuumã ti yaa nafa la a rata, a ka na n paame rënda nafã-kãngã bala, a ka tar yel-sõmde, la ned ning sën wa n rıka a tuumdã ti yaa Wënd la a rat n na n pënege, a paamda yel-sõmd a tuumdẽ wã la rolbo, baa ti mikame ti yaa tuum zaala, wala yũub la rubo. Rẽ poorẽ ti Nabiyaamã -Wënd puusg la A tulgr be a yĩnga- rık bilgri, n na n wilg Anniy wã vũun sën ta to-to ningã tuumẽ wã, n lagem ne fãa zemsa taab yĩngr-yĩngrã, rënda a wilga ned ning sën wa n rıka Anniy ne Yikrã la tẽngã basgo ti yaa Wënd yardã baoobo, rënd yẽ soab yikrã yaa yikr sari wã sën rate, ti yaa b sën reege, t'a na n paam yel-sõmdã a Anniyã sũdgrã yĩngã, la ned ning sën wa n rıka a yikrã ti yaa dũni nafa raab la arzeka la lohorem maa tolbo maa paga, rënd a ka na n paam a yikrã pugẽ sã n ka nafã-kãngã bala, a sën maana Anniy wã ne bũmb ningã, la a ka na n paam yel-sõma la rolbã ye.

<https://sunnah.global/hadeeth/mos/show/4560>

